

UNIVERZITET U SARAJEVU
ELEKTROTEHNIČKI FAKULTET U SARAJEVU

Broj: 02-1555/21.
Sarajevo, 02.04.2021. godine

Na osnovu člana 136. Zakona o visokom obrazovanju ("Službene novine Kantona Sarajevo", br. 33/17, 35/20 i 40/20), člana 108. Statuta Univerziteta u Sarajevu (broj: 01-1093-3-1/18 od 28.11.2018. godine), dekan Elektrotehničkog fakulteta u Sarajevu, donosi

ODLUKU

o načinu organizacije parcijalnih ispita iz nastavnih predmeta
ljetnog semestra u studijskoj 2020/2021. godini

1. Parcijalni ispiti iz nastavnih predmeta prvog i drugog ciklusa studija, kao i stručnog studija "Razvoj softvera", u ljetnom semestru studijske 2020/2021. godine, održat će se isključivo u online režimu.
2. Parcijalni ispiti će se organizirati u osmoj i devetoj sedmici realizacije nastavnog procesa (nastave), počevši od 19.04.2021. godine (ponedjeljak) do 30.04.2021. godine (petak).
3. Tačan raspored održavanja parcijalnih ispita iz nastavnih predmeta ljetnog semestra u studijskoj 2020/2021. godini, sa vremenskim periodom održavanja ispita, bit će objavljen naknadno.
4. Za sve nastavne predmete prvog ciklusa studija i stručnog studija "Razvoj softvera", predmetni nastavnici su obavezni 09.04.2021. godine (petak), najkasnije do 23:59 sati, otvoriti na Zamgeru prijavu za ispite, pri čemu prijave ostaju otvorene do 12.04.2021. godine (ponedjeljka) do 23:59 sati. Za termin održavanja svih ispita potrebno je kao datum upisati 19.04.2021. godine i vrijeme 01:00 sati, a na osnovu kojih podataka (prijava) će se utvrditi i planirati osiguranje termina i ljudskih resursa.
5. Predmetni nastavnici su obavezni dati jasnu instrukciju da je neophodno izvršiti prijavu ispita putem Zamgera u roku iz tačke 4. ove odluke, uz napomenu da studenti koji do navedenog termina ne izvrše prijavu ispita, neće moći pristupiti polaganju ispita.

I. Mjere

1. Studenti su dužni pristupiti izradi parcijalnih ispita i pisati parcijalne online ispite iz nastavnih predmeta ljetnog semestra studijske 2020/2021. godine u potpunosti samostalno. Nije dopuštena bilo kakva komunikacija s bilo kojim drugim osobama na bilo koji način za vrijeme trajanja online ispita.
2. U slučaju tehničkih poteškoća koje se objektivno mogu pojaviti u toku realiziranja online ispita unutar odgovarajuće e-platforme, student je dužan, nakon okončanja ispita (u periodu ne dužem od 120 minuta), uputiti poruku elektronske pošte predmetnom nastavniku i administratoru sistema, sa tačnim podacima o konkretnim tehničkim poteškoćama i problemima koji su nastupili (nestanak električne energije, prekid konekcije, kvar računara ili kamere i slično). Ako se utvrdi da se radilo o opravdanim razlozima, za takve studente će se organizirati polaganje parcijalnog ispita uživo u prostorijama Elektrotehničkog fakulteta u Sarajevu, na način propisan Zakonom o visokom obrazovanju i u skladu sa sadržajem nastavnog programa iz odgovarajućeg nastavnog predmeta, uz obavezno provođenje svih epidemiološko-higijenskih mjera, a pristup polaganju ispita će se organizirati bez odlaganja, u što kraćem vremenskom roku od završetka online parcijalnog ispita iz datog nastavnog predmeta.
3. U slučaju kratkotrajnog prekida konekcije na računaru, studenti mogu koristiti 3G mrežu putem mobilnog telefona i na taj način osigurati vidljivost radnog prostora, a samim tim i nastavak izrade online parcijalnog ispita. Prelazak na prikaz prostora putem mobilnog telefona neophodno je ostvariti u što kraćem vremenskom intervalu (ne dužem od 3 minuta).
4. Predmetni nastavnik može tražiti od studenata da osiguraju da radni prostor na kojem studenti pišu online parcijalni ispit bude vidljiv tokom perioda trajanja cjelokupnog online ispita, odnosno zatražiti da se osim samog studenta, osigura prikaz cjelokupne radne površine (radnog stola i ekrana računara studenata).

5. Predmetni nastavnici su dužni osigurati da ispitni zadaci budu jednake težine kao da se radi o realiziranju parcijalnih ispita u redovnom ispitnom roku u učionici, te po težini ne smiju biti složeniji od zadataka koji su izrađivani na tutorijalima.
6. U cilju minimiziranja eventualnih zloupotreba prilikom polaganja ispita, te u cilju utvrđivanja autentičnosti i vjerodostojnosti urađenog sadržaja ispita, predmetni nastavnici mogu zatražiti od studenata da sačuvaju rukopise skeniranih materijala, koji će se naknadno provjeriti.
7. U slučaju postojanja osnovane sumnje u vjerodostojnost polaganja online ispita, predmetni nastavnik može organizirati dodatni online razgovor sa ciljem provjere urađenog rada. Online razgovor se realizira u prisustvu predmetnog nastavnika, predmetnog saradnika ili drugog predmetnog nastavnika. U slučaju utvrđivanja nepoznavanje ispitne materije koju je student ranije uradio i dostavio predmetnom nastavniku, predmetni nastavnik ima pravo da ne prizna urađeni rad. Na predmetima na kojima je broj studenata relativno mali, ovaj oblik aktivnosti može se realizirati sa svim studentima.
8. Za studente koji su u toku trajanja parcijalnih ispita bili covid pozitivni, organizirat će se za njih dodatni parcijalni ispit, kada se za to steknu uvjeti, pri čemu su studenti obavezni dostaviti potvrdu da su bili covid pozitivni.
9. Izmjene i dopune ove odluke, kao i eventualno usklađivanje vršit će se u zavisnosti od epidemiološke situacije i preporuka/naredbi nadležnih organa, na način i pod uvjetima kako je i donesena.

Dostaviti:

1. Dekan
2. Prodekan za nastavu
3. Akademska osoblje
4. Internet stranica
5. a/a



DEKAN

Prof. dr. Gasmin Velagić